

## Chór Lipa we Worklecach nazymski koncert wotměł Dobry wothlós na nowym městnje

**Worklecy** (aha/SN). Z dołho trajacym přikleskom a trójnej „Sławu“ w ponowjenym Worklečanskim hosćencu je so wčera popołdnu 170 wopytowarjow chórej Lipa za wuběrnny nazymski koncert dzakowało. Wjesnjanošta Franc Brusk (CDU) hosći na přepjelnjenej žurli witaše, wjeselo so, „zo žněje přenje kulturne zarjadowanje w dospołnje wobnowjenym hosćencu tak dobry wothlós“.

Po tym zo běchu hosćenc před 16 lěta mi zawrěli, je gmejna spočatnje bjez spěchowanja w čelőzwučowarni Worklečanam nazymski koncert zaručila a minjene lěta na swójsku iniciatiwu Wałdžic režnistwo w stanje, a to kermušnu sobotu. Lipjenjo zahajichu koncert z tradicionalnym „Ha widžu-li ptačata čahnyc“. Chór drje hewak Jadwiga Kaulfürstowa diriguje. Wčera je ju chorosće dla sotra Judith Škodžina wulkotnje zastupowała, štož wědžeše sej publikum wysoko hódnoćić. Po modernej hudźbje zanjese chór někotre lóštnespěwy přěni raz. Zajimawe pozadkowe informacije zhonichu připo-

slucharjo wot připowědžerkow Melanie Rjelkec, Weroniki Hejduškec a Weroniki Wawrichoweje. Z dwěmaj kruhomaj skedźbni młody pianist, Smječkečan Jan Brězan, na swój talent. Za solistiski přinošk žněještaj Handrij Míkela a Fabian Kaulfürst mócnny přiklesk, předewšěm pak Michaela Melcerowa za spěw „Moja žedźba je žiwjenje“ z inscenacije NSLDž „Kaž w njebjesach“, do kotrejež wšak bě chór Lipa sobu zapřijaty. Nowosć bě z publikumom zhromadny kwodlibet. Mjeztym zo spěwaše chór „Naš nan, tón mi stajnje zwoni“, bě publikum wužadany runočasnje zanjese „Hanka, budź wjesoła“ a „Ja sym tawzynt dušny kadla“.

Po sylnym přiklesku wěnowaše chór přidawk „Kóždy džen je lubosć nowa“ Janej Kneblej, kiž bě 30 lět z čonom chóra.

Jandytar Hajnk po koncerće hódnoćeše: „Bě to prosće wulce wokřewjace dožiwjenje. Najbóle mje zwjesela widzeć mjez člonami chóra wjele młodych wobličow.“